

四庫全書

史部

欽定四庫全書

萬壽盛典初集卷三十七

恩賚七 賞兵二

鎮守宣化府等處地方副將管總兵官事臣

司九經謹

奏為羣兵沐

恩深重籲懇代

謝事竊臣同



欽差副都統臣王臣閱賞臣屬兵丁徧歷大小城堡逐

名給散踰月方完續據闔鎮協營路兵目何崇

先等公呈僉稱崇先等形同草木質若螻蟻幸

生

盛世得享昇平飲和食德被

覆載之弘庥履厚戴高沐

生成之雅化豢養多年寸長未報今逢

大慶良辰更受

覃恩遐播

特命大臣徧施膏澤一身在伍舉室沾

恩上而父母胥飽食而暖衣下及妻孥咸安居而樂業

感激有心圖報無地惟有仰祝

聖壽與乾坤悠久

皇圖偕日月升恒而已等情到臣臣不敢壅於

上聞謹恭疏代

謝伏乞

皇上睿鑒施行

鎮綏將軍仍管陝西提督事務世襲拖沙喇  
哈番加五級降一級留任臣潘育龍謹

題為代

奏恭謝

天恩事竊臣前欽遵

上諭於閏五月二十八日自固原起程前赴西安府會

同

欽差內閣學士臣蔡升元在於臣所屬鎮協營路給散  
皇賞緣由業已題明在案臣按程東行於六月初六日

抵西安會省候

欽差臣蔡升元祭畢

陵寢於六月十一日進省宣布

皇恩首先

賞賚督撫兩標兵丁臣會同

欽差臣蔡升元督臣鄂海撫臣永泰賞西安城守營兵

欽定四庫全書

萬壽盛典初集

卷三十七

丁每兵一兩稱足按名散賞閱射於六月二十

五日臣同

欽差臣蔡升元自西安府起程北行按營逐名足數散  
賞閱射歷固原鎮屬之富平營金鎖關營行至  
延綏鎮屬宜君營會同總兵臣李耀由宜君廊  
州延安綏德延綏鎮標竝城守營及神木波羅  
定邊三協所屬各營堡汎賞畢於八月初七日  
欽差臣蔡升元行至寧夏鎮所屬花馬池地方會同甘

肅提督臣江琦寧夏鎮總兵臣范時捷赴寧夏  
鎮屬

賞賚臣與

欽差臣蔡升元相議臣在所屬下馬關營駐劄俟將寧  
夏鎮標營路賞畢來至下馬關臣會同賞下馬  
關營紅德城營赴固原賞臣標伍營及城守營  
慶陽協屬平涼各營暨靖遠協屬蘆塘等營賞  
畢

欽差臣蔡升元赴甘肅涼州等處散賞臣暫回衙署俟  
蔡升元將甘提所屬各鎮標營路賞畢之日東  
來臣計日仍預先起程前赴臣所屬之關山汛  
地等候迎會賞賚關山西鳳等營從寶雞縣入  
連雲棧道赴漢中等處會同興漢鎮總兵臣楊  
世昌賞該鎮屬各營兵丁事竣出大泥峪口往  
潼關等處行賞畢另疏具題外茲臣等據賞過  
標協營堡兵丁咸跪聽

欽差臣蔡升元宣諭

皇恩領畢

皇賞羣望

闕叩頭謝

恩歡聲雷動齊言我等兵丁父母妻子荷蒙

皇恩豢養已屬

恩同天地今恭逢

皇上六旬大壽



九重萬里垂念兵卒

特沛殊恩我等無從仰報萬一惟有虔製

萬歲牌位每逢朔望闔家焚香叩頭共祝

萬壽無疆籲懇臣等代題謝

恩等情各具公呈到臣欽惟我

皇上德竝乾坤恩洽萬姓茲恭逢

萬壽六旬

大沛洪恩

特命學士臣蔡升元臨秦賞賚使均霑實惠臣目擊衆  
兵領賞之際歡忭踴躍感激之衷發於真誠不  
敢壅於

上聞所有賞過延綏鎮標協各營堡事竣情由及士卒  
感激下悃理合繕疏一并代

奏恭謝

天恩以

聞伏祈

皇上睿鑒施行

巡撫四川等處地方提督軍務都察院右副

都御史加三級臣年羹堯謹

題為籲恩代疏恭謝

皇仁事康熙五十二年三月十八日

萬壽恩詔內開一各直省綠旗兵丁俱應加賞資四川

省

特命內閣侍讀學士臣查弼納到川賞給今於閏五月

二十六日

欽差學士臣查弼納抵川致祭江瀆事竣隨行散給臣  
標兵丁茲據標下左右兩營馬步兵丁馬尚等  
呈稱尚等置身戎行生逢

盛世橐弓戢矢遊舜日之舒長海晏河清樂堯天而  
鼓腹五十餘載豢養之恩有加無已百千萬世  
樂利之休實符大造茲當五十二年恭逢

皇上聖壽六旬又荷

隆恩下逮大賚兵丁誠古今未有之盛事從來莫覩之  
曠典也尚等頂恩戴澤蕩蕩難名惟願我

皇上壽與天齊德同地載區區下情末由稱謝伏乞代  
題等情到臣據此欽惟我

皇上功侔造化德徧羣生措天下如磐石之安登斯民  
於仁壽之域河清海晏天開厯數方新日升月  
恒瑞叶禎符伊始欣逢

聖壽甲子初周中外臣民咸蒙

恩澤乃至荷戟之戍夫猶勞

聖懷之厯念茲者

欽差內閣侍讀學士臣查弼納赴川致祭江瀆事竣先  
行賞賚臣標兵丁臣已遵

旨未敢會同今據臣標兩營弁兵馬尚等呈請

題達代謝

天恩賜言莫罄少抒螻蟻之忱請祝

聖人聊效華封之頌所有感激歡忭輿情臣不敢壅於

欽定四庫全書

萬壽盛典初集

卷三十七

上聞謹恭疏具

題伏乞

皇上睿鑒施行

提督四川等處總兵官副將世襲拖沙喇哈

番臣康泰謹

題為恭報微臣回署日期事竊臣奉

命同

欽差會同各鎮臣給散兵丁

皇賞查四川全省四鎮以下副叅遊都守各汛大小五十六營駐防深山者居多臣等按臨給散兵丁望

闕嵩呼叩謝

天恩已於四鎮四協各疏代

題在案更有各處番蠻亦皆聞風齊集如松潘鎮屬

之安撫司蘇文輝等土通判王懋恩等長官司

董德新等土巡檢司蘇天恩等土千百戶札布



吉等建昌鎮屬之宣慰司土婦瞿氏安吉茂等  
宣撫司慕枝等安撫司俄車等長官司張秀等  
土千百戶嶺安泰等永寧協屬之長官司王嵩  
齡等土百戶路引等化林協屬之招討司高若  
璠宣慰司楊自唐堅叅達結等長官司周至德  
等打箭爐之宣慰司土婦工喀等土百戶噶布  
玉等大小數百蠻官各領蠻兵或千餘人或數  
百人不等各穿蠻鎧蠻甲刀鎗器械各於該管

地方跪道迎送歡呼動地此皆我

皇上如天之帝德誕敷徧及中外感化之所致也

臣蒙

皇上特命彈壓全川漢土官兵今見各土司如此之心

悅誠服歷考史冊所載未之前聞臣同

欽差復面宣

聖澤伊等愈加歡躍更竭微臣寸私仰體我

皇上柔遠之

聖意於大小土官頭目分別給與銀牌緞匹綾綢布茶  
等物衆蠻兵給與牛羊米酒等物令其各安住  
牧遵守

國法永不為非以盡臣撫綏地方之職耳臣同

欽差於康熙五十二年十二月二十二日散畢全川兵  
丁

皇賞

欽差回京復

命臣望

闕跪請

聖安今臣於十二月二十七日回署訖所有微臣回署

日期理合

題報臣謹具

題伏乞

皇上睿鑒施行

提督浙江等處地方總兵官左都督加三級

降二級留任戴罪圖功臣吳郡謹

題為彙叙輿情代謝

天恩事欽惟我

皇上仁同覆載化洽乾坤

御極五十二年

恩施千八百國既已無遠弗届無微弗至矣際今三月

十八良辰恭遇

聖主六旬大壽

覃恩廣布於宸區賞賚復加於軍伍此誠亘古之

曠典希世之奇逢也臣同

欽差內閣侍讀學士臣拉都渾先放紹寧杭嚴楓衢次

放嘉湖等屬標營

皇賞凡所到之處但見目兵衢歌巷舞感激歡呼所有

臣標五營寧波城守營並准定海鎮臣吳陞咨

據該標三營及鎮海營又據紹杭嚴楓衢等營

將轉據各目兵具呈感激

天恩籲請代

題緣由先經具疏

題報在案今先後接准處州鎮臣崔相國溫州鎮臣

胡泮黃巖鎮臣李近洛據各該標兵丁并據金

華溫州城守平陽瑞安樂清磐石大荆太平台

州寧海象山嘉興湖州太湖各協營將轉據各

營目兵劉安邦等呈為僉懇代

題恭謝

天恩事詞稱竊惟邦等日蒙豢養虛糜

國帑之金錢坐享昇平實乏涓埃之報答恭遇

皇上六旬大慶復荷賞賚

欽頒按名各給千古之

曠典欣逢實惠均霑三軍之歡聲動地從此每遇十年

共沐

洪恩於無盡則雖犬馬奕世難酬

至德於靡涯惟有朝夕焚香頂祝



皇上壽與天齊福同地久而已僉懇轉詳彙

題代謝等情各咨詳到臣緣係三軍感激輿情臣不

敢壅於

上聞理合彙叙具疏代

題伏乞

皇上睿鑒施行

總督江南江西等處地方軍務兼理糧餉操

江兵部左侍郎兼都察院右副都御史臣赫

壽謹

題為兵丁感戴情深臣謹據情代

題恭謝

天恩事據臣標中軍副將楊弘基署江寧城守營副將  
事左營遊擊周涵詳稱據臣標中左二營馬步  
戰守兵丁高延齡等江寧協標左右二營馬步  
戰守兵丁何邦祚等呈為

聖恩高厚叩謝代

題以伸蟻悃事內稱竊延齡等生逢

盛世食糧充伍蒙養之

天恩際昇平之覆被犬馬微勞未曾寸展恭遇

皇上六旬大慶凡大小臣工

恩加襲蔭普天士子

特賜裁成老人盡荷

恩賚解網赦罪大沛

皇仁誠亘古未有之

隆恩也然猶念一夫不獲澤及荷戈小卒咸使飽騰發  
數十萬之帑金

特命大臣按部賞給延齡等實需

聖恩均蒙

天賚真淪肌浹髓不足以報稱萬一惟有恭祝

聖壽與天地同春

皇圖共山河竝永是所朝夕頌禱者也但蟻情不能上

達伏叩代

題恭謝

聖恩等情轉詳到臣據此該臣看得恭逢

皇上六旬大慶徧沛

恩膏普天臣民無一不霑

聖澤而猶軫念天下滿漢兵卒不惜數十萬之帑金

特命廷臣按臨逐一頒給賞賚此誠亘古未有之

殊恩也今臣標中左二營竝江寧城守營各兵經

欽差詹事府詹事臣周起渭先臨省地宣播

皇仁於六月十一日將臣標中左二營兵丁按名賞銀  
一兩又於十二日臣會同將江寧左右二營兵  
丁俱經先後按名賞銀一兩訖各營士卒無不  
歡聲雷動望

闕叩頭敬祝

聖壽無疆茲據臣標中軍副將楊弘基署江寧城守營  
副將事遊擊周涵詳據臣標中左二營兵丁高  
延齡等江寧城守營兵丁何邦祚等呈請代

題謝

恩前來臣不敢壅於

上聞謹具疏

題報伏乞

皇上睿鑒施行

巡撫江寧等處地方總理糧儲提督軍務都

察院右僉都御史臣張伯行謹

題為震宇均霑

聖澤營兵竝沐

恩施叩懇轉詳代

題恭謝以伸忱悃事據撫標左營遊擊宋瑄等會詳  
前事內稱據標下三營兵丁張天祐等呈稱祐  
等投營註冊荷戈戍守已有歲支糧餉依期放  
給俾得藉以仰事俯育養

鴻恩時切頂戴本年三月十八日恭逢

皇上六旬大慶蒙頒



恩詔款開各省綠旗兵丁俱加賞賚隨奉部文江南兵  
丁照賞給廣東綠旗兵丁動支司庫現銀每兵  
賞銀一兩

欽差大人會同督撫親臨演武場將藩司解到庫銀每  
兵一兩稱足包封按名散給祐等叩頭祇領訖  
惟是祐等欣逢

盛世詠歌太平先奉

上諭各省綠旗兵丁內有通曉文義者准與武生一體

鄉試今歲又蒙

皇上格外恩賞

聖恩優渥千載難逢用敢瀝情叩懇伏乞轉詳代

題恭謝

皇恩俾下情得以上達等情轉詳到臣據此該臣看得

臣標左右二營與蘇州營額設馬步戰守各兵

欽奉

恩詔每兵賞銀一兩臣准部文隨行江蘇布政司動支

司庫現銀按各營經制兵丁數目稱準包封移  
解各營收貯時值總督臣赫壽來蘇盤查司  
庫實存銀兩隨於本年六月二十一日臣會同  
欽差詹事府詹事臣周起渭總督臣赫壽親臨演武場  
將司庫移解之銀逐封查驗按名唱給莫不歡  
欣拊舞望

闕叩頭敬祝

萬壽無疆茲據各營遊擊宋琯等據呈轉請代

題叩謝

皇恩前來

臣謹會同總督臣赫壽合詞具

題伏乞

皇上睿鑒施行

巡撫山東等處地方督理營田兼理軍務都  
察院右副都御史加五級臣蔣陳錫謹

題為懇請代

題恭謝

天恩事康熙五十二年七月十二日據布按二司據撫  
標二營馬步兵丁徐得功等鎮標各營馬步兵  
丁趙培厚等河標馬步兵丁張萬春等呈稱竊  
得功等荷戈行伍蒙

皇上隆恩餉銀月米姦養備至方以無由報答日切於  
心今恭逢我

皇上萬壽六十初度

欽頌恩詔普天士庶無不共沐

聖恩而得功等微賤武卒更復上煩

睿慮

欽差大人按名給賞誠使得功等感激涕零莫可言喻  
下情無由上達伏乞轉詳代

題謝

恩等情轉詳到臣該臣看得康熙五十二年三月十八

日恭遇

皇上萬壽六十初度

欽頒恩詔內開一各直省綠旗兵丁俱應加賞賚復又  
欽差大人按名賞給衆兵以天下太平無事長治久安  
初無臨陳折衝之勞乃受

天府金錢之賜戴

德感

恩歡聲雷動惟願萬六千歲之椿齡與天共久三百六  
旬之英厯偕日長新士飽馬騰謳歌難盡赴臣

衙門額請代

題謝

恩臣不敢壅於

上聞臣謹會同總河臣趙世顯鎮臣李雄合詞會

題伏祈

皇上睿鑒施行

巡撫河南等處地方提督軍務兼理河道兵  
部左侍郎兼都察院右副都御史臣鹿祐謹

題為



萬壽特頒大賚三軍同效歡呼恭疏代

題叩謝

天恩事康熙五十二年六月初十日

欽差兵部左侍郎臣李先復都察院左副都御史臣明

安賞完南陽鎮標營兵抵省即將臣標左右二

營兵丁唱名給賞閱看騎射隨皆踴躍叩頭謝

恩訖嗣據兵丁喬永年甘天祿王道行等呈稱年等身

居行伍蒙戎

皇上蒙養五十餘年仰賴

德威遐暢薄海內外共享承平又奉

恩旨俾升目一體中式誠亘古未有之殊榮今春三月

十八日恭逢

皇上六旬聖誕復蒙

特恩賞賚即

命祭告大人按營散給務使人霑實惠如此

軫恤深仁真是超前軼後年等領賞回家老幼男婦望

闕叩首莫不歡欣感激焚祝

聖壽無疆惟有益矢捐軀世為犬馬以圖報効於萬一  
但下情無由上達為此連名籲懇代

題到臣欽惟我

皇上

躬全五福同日月以升恒

澤被萬方竝乾坤而高厚放牛歸馬久昭脫劒之風  
推食解衣曲體披堅之士歡倍騰乎挾纊欣

普惠之自天感彌切於投醪願酬

恩而無地從此

九霄文德長舞干羽於兩階伏知八表武人共呼太平  
之

萬歲矣茲據衆兵環籲代

題叩謝前來理合恭疏

題報伏乞

睿鑒施行

提督湖廣總兵官都督僉事加一級世襲二等阿達哈哈番臣高其位謹

題為會賞已竣士卒感戴情殷謹據懇代

題叩謝

天恩事准據襄陽鎮總兵官佟國弼彝陵鎮總兵官王允昌副將丁沂等叅將林煊等遊擊夏林等守備吳天祚等咨呈據各該營兵丁趙珩任士禮等呈為

皇恩浩蕩感戴情深願懇代詳請

題叩謝

皇恩以伸下悃事內稱欣逢我

皇上聖明在御海晏河清

恩德覃敷時豐歲稔珎等坐享昇平虛糜糧餉雖有報  
稱之心竝無効力之處恭遇

聖主萬壽大沛

洪恩

特命廷臣按臨全楚賞賜帑金寶霑

聖惠此誠古今特出之

殊恩堯舜所未有之

盛典也珩等跪領之下感激無地全家老幼敬捧

皇封欣為至寶世世子孫圖報不盡惟有朝夕焚香叩

祝

皇上福壽天齊然大馬微忱莫由上達懇乞轉詳請賜

具

題叩謝

天恩以伸下悃等情前來據此欽惟我

皇上文德誕敷再見兩階干羽武功赫濯遠來萬國梯  
航統御五十二年恭逢

萬壽昌期大沛

恩膏普霑寶惠臣遵

旨會同

欽差通政使司左通政臣羅占左叅議臣陳汝咸先將



湖南各營賞畢業經具疏代兵

題謝外復由荊州至武昌等府閱賞湖壯所屬各營  
兵丁按名分給三軍焚香齊祝

聖壽無疆咸頌

皇圖永固歡聲動地為亘古所未聞乃於今而僅見茲  
據湖壯各鎮標協營懇請

題達代兵謝

恩前來臣不敢壅於

上聞謹會同署督臣印務湖北撫臣劉殿衡合詞代兵叩謝

天恩伏乞

皇上俯賜睿鑒施行

巡撫偏沅等處地方提督軍務兼理糧餉都察院右副都御史臣潘宗洛謹

題為

萬歲天恩疊沛等事欽惟我

皇上仁同天覆德婉離明

壽永無疆率土享含哺之樂

福弘敷錫三軍叨挾纘之溫茲恭遇

皇上萬壽昌期六旬大慶

錫賚普施

恩膏疊沛

欽差通政使司左通政臣羅占等到楚頒賞每兵銀一

兩臣標衆兵歡呼踴躍望

闕叩頭頂祝

聖天子萬壽無疆從此十歲一頌之

曠典壁壘如新行見萬年不盡之

恩波烽烟永靖茲據臣標中軍遊擊臣張騰雲等呈請

代

題臣不敢壅於

上聞謹

題

萬壽盛典初集卷三十七

欽定四庫全書

萬壽盛典初集卷三十八

恩賚七 賞兵三

鎮守山西太原等處地方副將管總兵官事

臣馬見伯謹

題為籲懇代

題叩謝

天恩事據蒲州營目兵李在榮等呈稱欽惟我

皇上至仁如天大德如地疊沛

恩賞薄海咸沐生成之化屢蠲租賦率土俱霑雨露之  
施真一世莫比而獨隆於千古者也榮等身充  
伍卒之中生逢

聖人之世歷年以來仰賴

皇上洪庥時和年豐常享清平之福坐食糧餉復叨科  
第之榮今歲

聖主六旬大慶榮等心切赴京叩祝緣身在伍卒不敢

遠離祇於平陽府

萬壽宮庭誦經叩祝以伸蟻悃茲蒙

聖恩欽差大人親詣各營逐名賞給銀兩榮等雖日勤  
操防不足以仰報

高厚於萬一惟有日夜焚香頂祝我

皇上壽與天齊俾海內士卒常沐

恩施於億萬斯年耳獨是微賤下情不能

上達懇乞俯准代



題等情到臣據此伏惟今歲恭逢

皇上六旬聖誕普天同慶率土嵩呼今蒙

皇恩大沛

特命欽差會同頒賞微臣目覩各營兵丁踴躍歡欣嵩  
呼雷動羣聚當場望

闕遙叩

皇恩外復具呈籲懇代

題叩謝臣見各營兵丁感激情殷不敢壅於

上聞謹恭疏代為

題謝伏乞

皇上睿鑒施行

巡撫山西太原等處地方提督鴈門等關軍  
務兼理雲鎮都察院右副都御史臣蘇克濟  
謹

題為

皇恩浩蕩感荷非常懇請代

題恭謝

天恩事康熙五十二年七月初五日據山西撫標左右  
營百隊兵丁李伏豹等呈稱竊照豹等身充伍  
卒之中生逢

聖人之世坐食糧餉寸長莫効前蒙

俞旨俾入科第

隆恩曠典千古未有今歲恭遇

聖主六旬大慶豹等心切叩祝未敢遠離祇於省會

萬壽宮庭諷經叩祝少伸蟻誠茲蒙

皇恩特典

欽差大人賞賚豹等受此

格外洪恩無以報答

高厚於萬一惟有朝暮焚香祈願我

皇上壽與天齊福同嶽永綿歷數於億萬斯年耳但微

賤下情豈能上達懇乞俯准代

題等情到臣據此欽惟我

皇上仁同天地德竝唐虞化洽雍熙中外樂昇平之福  
治登康阜軍民歌覆載之恩亦既無一夫不得  
其所無一物不遂其生矣今年三月十八日恭  
逢

皇上六旬大慶

恩詔普頒凡在臣民盡霑雨露乃復

軫念行伍賞賚有加

特命廷臣親歷各營逐名散給務使均霑實惠給賞之

日兵丁莫不感戴

皇恩歡聲雷動共祝

聖壽無疆茲據臣標左右兩營百隊兵丁李伏豹等呈

請代

題恭謝

天恩等情前來臣不敢壅於

上聞相應具

題

巡撫江西等處地方兼理軍務都察院右副

都御史臣佟國勳謹

題為

皇仁浩蕩如天營卒歡呼動地懇請

題謝以伸輿情事據標下左右二營袁州九江兩協  
各營兵丁王福等具呈詞稱竊惟福等叨入營  
伍欣逢

盛世薄海內外同奉一統車書率土軍民渥承九霄

雨露愷惠徧沛於閭閻膏澤尤霑於師旅蒙  
恩蒙養糧餉足給士馬飽騰恭逢

皇上萬壽昌期中外共慶大沛

綸音加恩營伍

特命欽差按名給賞務使均霑實惠似此格外  
殊恩真亘古罕見從此有生之歲月永祝無疆之  
遐齡福等下情不能上達聯名冒懇

題謝等情又准南昌鎮總兵高文燭咨據南瑞撫建



廣饒各營兵丁徐應節等呈稱竊應節等荷沐  
皇恩月給糧餉事育得以有資涓埃深愧莫補欣逢  
皇上萬壽正誕特沛

綸音

欽差蒞營每兵賞銀一兩誠為千古之  
曠典萬世之奇逢俯思報効無由惟有望

闕焚香頂祝

萬壽無疆呈請轉咨代

題恭謝等因又准南贛鎮總兵韓祖蘄咨據南贛吉  
各營兵丁劉德瑞等呈稱竊惟瑞等身隸戎行  
遭逢

盛世深沐

聖恩養常欣海晏河清共樂堯天舜日恭遇  
皇上六旬萬壽大慶特沛

覃恩殊施格外每兵各賞銀一兩

欽差親行監看散給瑞等膺此

異數跪領之下銜感無地惟挈合室老幼焚香頂祝

聖主福如川至壽與天齊瑞等願長作太平犬馬但遙

望

君門無由上達為此呈懇轉請

題謝等因到臣據此欽惟我

皇上德邁唐虞功高湯武際此車書一統萬國來王之

日恭遇

萬壽昌期

特霽九天異數停徵蠲賦比戶霑雨露之恩頒賞錫類  
營伍沐優渥之德此誠千載

曠典亘古

殊恩宜乎三軍嵩呼徧地頌

皇仁之浩蕩允矣萬竈歡聲若雷祝

聖壽於無疆凡屬臣工莫不歡忭稱慶臣准部咨欽奉  
恩詔內開一各直省綠旗兵丁俱應加賞賚部議派內

大臣每省各遣一員動支布政司存庫銀兩照

廣東綠旗兵丁各賞銀一兩等因隨即移行各鎮協營欽遵去後今江西通省綠旗兵丁蒙

欽差親臨按營賞賚訖所有賞過各營兵丁姓名銀兩數目另疏具冊

題報外茲據臣標袁州九江兩協各營兵丁環呼跪  
籲并准南昌南贛二鎮咨據所轄各營兵丁懇  
請

題謝前來理合據情彙疏代

題恭謝

天恩臣謹會同江南江西督臣赫壽合詞具疏伏乞  
皇上睿鑒施行

總督福建浙江等處地方軍務兼理糧餉兵  
部右侍郎兼都察院右副都御史臣范時崇  
謹

題為籲懇代

題叩謝

皇恩以達下卒感激深情事准福建巡撫臣覺羅滿保  
水師提督臣施世驃陸路提督臣楊琳又據臣  
標中軍副將羅光乾等各據所轄副叅遊守呈  
據闔營百隊馬步戰守兵丁咸沐

賞賚殊恩具呈僉叩代

題呈稱竊惟推心愛士乃

盛朝下逮之深仁破格優兵尤

聖主特行之曠典

膏澤遙頒九域

恩波徧及三軍茲者欣逢

皇上六旬萬壽

宸衷眷念各省綠旗兵丁

欽命大人特發帑金按名給賞誠亘古未有之

殊恩千載奇逢之

異數歡騰海嶠慶溢邊陲隨望

闕叩頭謝



恩祇受但頌禱維殷無計籲

九重而羅拜瞻依是切庶幾藉一紙以陳情伏願

帝德日隆偕堯天而並麗

皇圖歲永同禹甸以常新僉懇俯鑒下卒微誠轉求代  
題叩謝等情到臣該臣看得閩省水陸綠旗兵丁恭

遇

皇上六旬萬壽大沛恩膏

欽差副都統臣穆賽到閩親臨各標鎮協營按名給賞

各兵承領歡呼雷動感激

皇恩情詞懇切臣謹會同福建巡撫臣覺羅滿保水師  
提督臣施世驃陸路提督臣楊琳合詞恭疏代  
題叩謝伏乞

皇上睿鑒

勅部查照施行

總督廣東廣西等處地方軍務兼理糧餉兵  
部右侍郎兼都察院右副都御史帶軍功五

次加一級降三級戴罪圖功臣趙弘燦謹

題為

聖主賞賚普頒官兵感激彌切謹據情代

題恭謝

天恩事據臣標下中左右前後水師戎旗七營目兵張

士輝等呈為

聖主仁壽齊天官兵感激無地伏請代

題恭謝

皇賞事欽惟我

皇上至德同天深恩似海普天之下無一夫不獲安全  
率土之濱無一物不使得所幅員廣大宇宙昇  
平官兵黎庶自

聖主御極以至億萬萬年享太平之福者皆沐我

聖天子宵旰精勤治化翔洽所致家傳戶頌焚頂難名  
今歲恭逢

皇上六旬正誕甲子初周喜慶非常歡聲振地祇有望

闕叩頭共效華封之祝乃蒙浩蕩

天恩

欽差大人臨粵按名頒賞衆兵均霑實惠九叩謝

恩輝等荷戈小卒何能仰報惟日夕泥首朝

天焚香共祝

聖主萬壽無疆但感激下情無由上達伏懇代

題施行等情又據撫標提標并各鎮協營寨目兵具

呈到臣欽惟我

皇上治超今古德合乾坤沛惠澤於九州巍巍莫並播  
仁風於八表蕩蕩難名厯五十二載宵旰之勤  
初屆

大年周甲開億千萬世太平之業共知

景命方申茲因

聖誕之昌期爰頒肆赦之大典合寰區之臣庶無不加  
恩凡內外之甲兵盡蒙優賞而粵東

特命重臣令其按名親給務使實惠均霑

宸衷之軫恤甚殷士卒之感縷彌切是處歡聲動地愈  
奮捐糜圖報之心咸稱

帝德如天共祝

萬壽無疆之慶此誠亘古未有之

恩施洵為史冊罕聞之盛事臣等躬逢

聖世謬任封疆目擊興情曷勝抃舞現據臣等標營目  
兵及各鎮協營寨兵丁紛紛呈懇代

題恭謝

天恩臣不敢壅於

上聞謹會同廣東撫臣滿丕提臣王文雄合詞具

題伏乞

皇上睿鑒施行

巡撫廣西等處地方提督軍務兵部左侍郎

兼都察院右副都御史加三級臣陳元龍謹

題為

聖壽洪恩普被遐方兵卒均霑環籲代



題恭謝

天恩事欽惟我

皇上文德武功深仁厚澤度越千古本年三月十八日

恭遇

萬壽六旬正誕大沛殊恩中外臣民罔不霑被復

垂念直省綠旗官兵盡加賞賚

特遣官蒞止會同頒給務使無一兵一卒不受寶惠

紫詔一宣遐方軍士歡聲動地茲閏五月二十六日

欽差副都統許廷臣至桂林省城臣率闔城文武大小  
各官出郊迎接跪請

聖安副都統許廷臣隨入城駐劄公館即於閏五月二  
十八九兩日傳集臣標左右兩營兵丁細查年  
貌詳加核實每兵一名而給

欽賞銀一兩衆兵歡呼感激齊稱

萬歲臣即率同遊擊臣張溥等及兩營兵丁望

闕叩首謝

恩訖茲據兵丁吳得珍等具呈稱珍等荷戈賤卒幸際

太平

盛世久沐豢養

隆恩徒糜糧餉無可報効今逢

聖主六旬大慶特沛

恩綸頒賜

皇賞珍等跪領舉家霑受雖竭犬馬之力不足仰報萬

一惟有朝夕焚香上祝

聖壽天齊但下情無由上達懇乞代

題等情前來除提臣鎮臣統轄各營兵丁俟陸續給  
賞事竣聽提臣鎮臣另行具

題外所有臣標兩營兵丁籲請恭謝

天恩理合先行代

題伏乞

皇上睿鑒施行

提督廣西總兵官左都督臣張朝午謹

題為恭報微臣遵

旨頒賞事竣叩謝

天恩跪請

聖安事康熙五十二年六月初一日接兵部劄付奉

旨賞給直隸各省綠旗兵丁著令督撫每營到去恐致  
有悞地方事務督撫停其前往會同各該提鎮等閱  
看賞給著速行文直隸各省欽此臣業將遵

旨會散緣由及起程日期

題報在案臣於六月十一日自桂林由水路往平樂  
富賀梧州鬱林潯州而至南寧由南寧而至上  
思新太龍憑植肅各營復回南寧由陸路至思  
恩泗城鎮安上林安隆及三里營而抵臣駐劄  
之柳州府再由慶遠河池至永寧仍從桂林於  
九月初六日抵全州凡屬右江諸營臣會同

欽差臣許廷臣給賞凡屬左江諸營則兼同左江鎮臣  
趙廷棟給賞沿途挨營次第給散臣所到處皆

仰體我

皇上加意營伍愛恤士卒

深恩推廣宣布不獨營兵身受

恩賜者感激殊常即各府州縣漢土百姓士女道旁觀者亦無不嘖嘖稱為

盛典今臣頒賞事竣查廣西一省臣屬各標協營共計馬步戰守兵丁一萬七千九百零九名內各官隨丁字識不應領賞者一千二百一十三名實

領賞兵丁一萬六千六百九十六名給發過

皇賞銀一萬六千六百九十六兩除令各標協營造冊  
到日另行呈送兵部查核外竊思臣樗櫟庸材  
荷蒙

皇恩不次超拔昇以封疆重寄今復蒙

恩特遣大臣親臨給賞俾臣屬兵丁得霑

君澤臣實同身受惟是遠處邊末

天顏萬里不獲躬親叩



謝謹於

欽差臣許廷臣出境之日恭疏叩謝

天恩跪請

聖安并將頒賞事竣日期及給賞過兵丁銀兩數目理

合一并

題報伏乞

皇上睿鑒施行

總督雲南貴州等處地方軍務兼理糧餉兵

部右侍郎兼都察院右副都御史臣郭璵謹  
題為衆兵感蒙

皇賞恭謝

天恩事康熙五十二年十月十二日據臣標中軍副將  
胡駿等呈詳又於康熙五十二年十月十三十  
四等日據雲南永順鎮總兵官段騰龍等各詳  
稱據馬步兵丁魏大勝等呈稱竊勝等滇末戎  
行荷戈小卒久蒙

聖恩豢養圖報無期坐享昇平之樂虛糜糧餉寢食難

安今恭逢

皇上六旬大慶復荷

殊恩

欽差部臣來滇逐名賞賚領受銀兩人人感戴戶戶歡  
欣父母妻子莫不額手焚香朝

天叩祝

皇上萬壽無疆則邊徼之兵得永霑

覆載之恩所有下情伏乞轉達代

題恭謝

天恩等因到臣欽惟我

皇上恩同天地德邁古今恭逢

萬壽之昌期特沛亘古未有之

大典遠頒

恩詔喜溢臣民又

欽差部臣來滇親到各營賞賜兵丁逐名實受

皇恩衆兵舉家老幼歡聲動地莫不焚香望

闕叩首恭祝

皇上

聖壽與日月俱長四海戴照臨之德

國祚同乾坤竝久萬年蒙覆載之恩茲據各標鎮協

營總兵副將叅將遊擊守備等據衆兵籲請

代

題恭謝

天恩等因前來臣謹會同雲南巡撫臣吳存禮提督臣  
張谷貞合疏具

題伏乞

皇上睿鑒施行

巡撫貴州兼理湖北川東等處地方提督軍  
務都察院右副都御史加三級降四級留任

臣劉蔭樞謹

題為恭謝

全  
天恩事欽惟我

皇上六十大慶

聖壽天齊率土同忭念綠旗官兵勤勞

欽差副都統臣朱廷柱來黔徧加賞賚臣飭令布政司

取在庫銀兩如數封足委員賁解同

欽差臣朱廷柱提臣張文煥徧歷各鎮協管按名賞給

深山窮谷盡霑化雨黃童白叟無不歡呼據各

鎮協管兵丁具詞到臣求為代

題恭謝

天恩除提臣於本年九月二十二日自黎平事竣就近  
題謝外所有各鎮協營兵丁感激忱悃臣不敢壅於  
上聞謹會同雲貴總督臣郭璦合詞代

題恭謝

天恩伏乞

睿鑒施行



欽定四庫全書

萬壽盛典初集  
卷三十八

三

萬壽盛典初集卷三十八

欽定四庫全書

萬壽盛典初集卷三十九

恩賚八恤刑

康熙五十二年二月二十一日戊辰禮刑二部  
以三月恭遇

萬壽六旬大慶請如直撫趙弘燮所奏一月內不理刑  
名每十年一舉永著為例

上從之

康熙五十二年二月初五日巡撫直隸等處地  
方管轄紫荆密雲等關隘贊理軍務兼理糧餉  
都察院右副都御史世襲一等精奇尼哈番加  
九級臣趙弘燮謹

題為

聖壽恭遇六旬宸宇欣逢

大慶請寬鞠審之限期以專臣民之祝頌事欽惟我

皇上聖德法天屢措好生之政弘慈壽國常垂寬大之

恩廣額作人蠲租並下有施盡善無美不行五  
十二年厚澤深仁盡是太和翔洽百千萬國民  
安物阜無非德化流行是薄海臣民得以享堯  
天舜日之舒長者皆我

皇上仁育萬物感召天和之所致也臣查定例每年三  
月恭逢

萬壽聖節不理刑名者七日停刑者一月蓋所以廣

聖主如天之仁亦以盡臣民慶賀之誠實至善而無以

復加矣惟是今歲伏遇

皇上六旬萬壽遐陬僻壤莫不高呼白叟黃童咸知華  
祝臣見在真定府之龍興寺保定府之玉清觀  
遴請真修僧道設壇誦經虔祝

萬壽倍於恒歲推之各省莫不皆然但三月內不理刑  
名僅止七日此外如遇限滿重案不得不照常  
刑鞫臣思今歲乃非常大慶之年大小臣工在  
在竭誠誦祝即昆蟲草木猶知何榮若是月仍

然用刑審事使桁楊之下復有搶地呼天之慘  
致違

皇上仁育萬物至意此豈臣子敬祝之心所敢安乎臣  
請每遇

聖壽大慶之年應自三月初一日至月終止除平常事  
件仍行辦理外其承審重案凡應刑鞫者均照  
停刑日期展限一月不理刑名定為

曠典亦如加增文武鄉會兩科之例自

皇上六旬以至

萬萬旬每過十年一行庶普天臣子得以專其虔誠慶  
祝之心而率土小民亦得申其巷舞衢歌之悃

臣叨沐

聖恩最深最重大馬寸心無可圖報惟有祝願

聖天子純嘏萬年以盡毫末報

主之忱故敢冒昧

題請如蒙

俞允伏祈

皇上即賜敕部通行各省一體遵照則

皇恩彌見浩蕩而

聖壽永與天齊矣理合具

題伏乞

皇上睿鑒施行為此具本謹

奏請

旨本月十五日奉



旨該部議奏

二月十九日禮部等部尚書臣赫碩色等謹

題為

聖壽恭遇六旬宸宇欣逢

大慶請寬鞠審之限期以專臣民之祝頌事禮科抄出

直隸巡撫趙弘燮題前事奉

旨該部議奏欽此該臣等會議得直隸巡撫趙弘燮疏

稱查定例每年三月恭逢

萬壽聖節不理刑名者七日停刑者一月所以廣

聖主如天之仁亦以盡臣民慶賀之誠實至善而無以復加矣惟是今歲伏遇

皇上六旬萬壽乃非常大慶之年若是月仍然用刑審  
事有違

皇上仁育萬物至意豈臣子敬祝之心所敢安者應請  
自三月初一日起至月終止除平常事件仍行  
辦理外其重案應刑鞠者照停刑日期展限一

月定為曠典自

皇上六旬以至

萬萬旬每遇十年一行則

皇恩彌見浩蕩而

聖壽永與天齊矣等因具題前來欽惟我

皇上

仁周萬物

澤被羣生普天率土莫不霑恩今歲三月恭逢

皇上六旬萬壽乃非常大慶凡屬臣民莫不虔祝應如  
該撫所請於三月初一日起至月終止除平常  
事件仍照常辦理外其應刑鞫者展限一月不  
理刑名嗣後每遇十年舉行一次永著為例以  
彰

聖主仁壽洪恩殫臣民虔祝至意俟

命下之日即通行各部院衙門及八旗并直隸各省一  
體遵行可也臣等未敢擅便謹

題請

旨本月二十一日奉

旨依議

三月十八日

萬壽大慶特頒

恩詔欽恤刑獄肆赦天下凡一應罪犯分別減等寬宥

有差

恩詔備載頒

詔條中凡係恤刑肆赦者錄如左

一凡文武官員現在勅督撫提問究擬者盡與豁免  
一地方大小官員當以仁慈為本妄聽奸民捏詞誣  
告以致陷害良民其害更甚於貪如各省督撫以下  
及有司官員有濫受詞狀貽害善良者事覺定從重  
治罪

一濫動重刑舊有嚴禁有司官員有因小事輒行夾  
訊並違例妄用非刑者該督撫即行察參具奏從重

治罪

一官役犯贓罪應至死與不至死者俱免罪仍革職役追贓永不叙用

一凡有叛逆殺死人強盜等罪牽連對質候審監禁人犯在獄年久恐無辜致死該部院直省督撫確審如無憑質對情可矜疑者即行奏請釋放

一凡應追贓私察果家產盡絕力不能完者槩與豁免無得株連親族

一凡強盜雖同夥殺人本人未經下手者自行投首  
准予免罪

一各處盜賊或為饑寒所累或為貪官所迫實有可  
憫如能改過就撫者准赦其罪

一除謀殺故殺外如原無仇隙偶因一時忿激相毆  
傷重至死者將兇犯免死決杖一百照例追銀四十  
兩給付死者家屬

一凡官吏兵民人等有犯除謀反叛逆子孫殺祖父



母父母內亂妻妾殺夫告夫奴婢殺家長殺一家非  
死罪三人採生折割人謀殺故殺蠱毒魘魅毒藥殺  
人強盜妖言十惡等真正死罪不赦外及修造宮殿  
陵寢工程不固冒破錢糧製造戰船軍器等項不堪  
糜費錢糧軍機獲罪貪官衙役犯贓監守自盜冒借  
官庫銀兩侵盜漕糧科場罪案關係河道漕運一應  
情罪俱不准赦騷擾驛遞奸細棍誣告叛逆放火  
因奸致死人命罪犯亦在不赦別項死罪俱減一等

內有關毆殺人者仍照例追銀四十兩給付死者之家其餘自康熙五十二年三月十八日昧爽以前已發覺未發覺已結正未結正咸赦除之有以赦前事訐告者以其罪罪之

四月初六日刑部

題為欽奉

恩赦將釋放人犯細數奏

聞事監候待質發遣寧古塔等處入辛者庫當差軍

流徒枷號杖笞人犯與

恩赦相符者俱已釋放等因具

奏初九日奉

旨依議

四月初六日刑部等衙門

題為欽奉

恩赦將減等人犯細數奏

聞事斬絞人犯與

恩赦相符者照例分別減等寬免等因具

奏初九日奉

旨知道了

四月初六日刑部

題為欽奉

恩赦不准寬宥人犯細數奏

聞事人犯沙克都爾等與

恩赦不符不准減等釋放等因具

奏初八日奉

旨知道了內色楞老瞻阿玉璽綽爾門又蘇齊姚自亮  
達色阿爾虎納布塔蘇張國相李元璽王文弼張八  
兒張士政七濟兒又哈兒伊等之罪雖與赦款不符  
但情由有可憫之處俱著從寬免死減等照例發落  
是歲欽奉

恩赦後刑部等衙門將盛京刑部及各地方將軍各直  
省督撫所屬一應重罪人犯現在監候及現在

具題與

恩赦相符者視所犯情罪遵照

赦款或決杖釋放或減等發遣先後具

題俱奉

旨悉與寬宥施行

是日頒

詔後

上諭三法司立釋罪犯

十八日巳刻

駕幸暢春園部院大臣官員各於經壇前送

駕

上謂刑部尚書哈山曰頃已頒赦爾可至衙門將人犯

立行釋放

駕至江南綵棚

上見左都御史趙申喬

諭曰頃有諭立釋應赦人犯汝應速去釋放申喬奏云

臣已派官至刑部會同查理臣送

駕後亦即至刑部遵

旨查釋矣本日自午至暮三法司堂司各官俱齊集刑  
部將應赦人犯立行釋放囹圄一空

十九日刑部等衙門謹

奏為奏

聞與

恩赦相符減等釋放罪犯數目事臣等伏惟我



皇上好生之心如同天地普天之下官民莫不共霑

聖主洪恩臣等仰體

聖主好生之至意再三詳察與

赦款相符應減等之重犯共一百六十五名應寬宥釋

放軍罪以下之犯共三百五十七名督捕司逃

人共一百三十九名將伊等即行減等釋放俱

向壯望

闕叩稱

聖主再造之洪恩惟祝我

皇上福壽綿長於萬萬年矣謹將罪犯減等釋放數目

奏

聞本日奉

旨知道了

五月二十九日乙巳

上諭停止本年內外秋審

是時

恩赦既頒繫囚解釋各邀

浩蕩其監候者皆與

赦款不符已無更生之望而

皇仁特沛又傳

諭旨停止秋審終歲刑措不用太和元氣洋溢宇宙焉

天地之大德曰生聖人之大德曰好生是以聖

人之於民雖有弗率訓典自麗於法者猶欲委

曲而開釋之凡以仰答天心俯全民命爰乃揚

化理播鴻名丕集休徵永膺多福其端莫不由  
此也羲軒以上夏乎邈焉粵稽唐虞胥災肆赦  
釋昭欽恤他若下車泣罪解網施恩鋪觀二代  
其揆一也赦過之象紀於周易三宥之典詳於  
周禮疑赦之文竝見於呂刑及王制夫其風俗  
成於下嘉祥集於上良由布德行仁助流政教  
也自漢迄明數千年來流風雖遠規制代興或  
以郊赦或以享廟赦或以封禪及國慶而有赦

大赦則逮乎四方曲赦則專乎州郡復有遞減  
其罪異乎大赦曲赦之例者謂之德音伐鼉鼓  
樹雞竿抒巽風沛解雨騰躍乎絳幡之旁廻集  
乎畫臺之側吏投丹筆人脫赭衣可不謂幸焉  
然而澤有所限則施之弗周恩不由衷則行之  
多壅出於權宜者以為要結之私術沿於故事  
者以為奉行之具文未有慶流既溢之餘德被  
太和之會量極於八埏九垓令逮於隕九拊鼓

恩意徧而有加盛典垂而罔數若我

皇上之隆者也我

皇上蒞宇以來平暴亂禁哀刻輕徭賦勸農桑隆學校  
頒教令四海九州罔有內外沐浴膏澤而涵泳  
德化者五十餘年矣夫驅其殘害而民知自安  
厚其物力而民知自樂彰其禮教而民知自重  
然則觸冒禁網罹於有司之法者蓋亦幾希而  
僅有

皇上又禁濫受之詞慎非制之刑嚴失入之令釋淹繫  
之囚絕株連之累開自新之路設詳覆之職固  
已天下無冤獄矣每歲秋審覆奏

臨朝太息徘徊詳審雖情真之罪猶求其生或乃竟歲  
停刑五十年秋

詔矜疑緩決者照例具奏情真者仍停決所以憫惠元  
元者澤至渥也癸巳之春恭際

六旬萬壽光天之下莫不嵩呼華祝額手稱觥涵煦太

平前歌後舞

皇上乃憫然動容念狴犴之內幪靡之徒猶有不得與  
於覆幬之列者特

勅中外臣庶明昭竝生之至意蓋自數十年來每逢  
萬壽七日勿理刑名今乃寬期一月每厯十年永為成  
憲復

頒恩詔肆赦天下輕者即行釋放重者亦皆減等其與  
恩赦不符者又



曲賜原情從例減釋至於情事萬無可解者雖在監候亦復停止秋審又恐有司奉

命需時

親發玉音諄諭諸司速遵赦令何言之重而意之懇仁之至而義之盡也是故

綸綍朝宣陽和夕溥渙汗之號若風雲歡呼之聲若雷霆仁心與日月同懸盛蹟與乾坤並久猗歟休哉覽夫三五六經載籍之傳方斯蔑矣夫有好

生之心必有刑措之治何則湛恩愷浹淑氣濡  
蒸誠有以潛發其感愧之心而大作其協中之  
化也且夫至誠所以動物盛德所以格天蓋孔  
子曰仁者壽夫仁之所謂壽者豈惟植本清凝  
堅固不拔而已哉其哀矜憐恤之意足以默當  
夫天心而純嘏之錫有不自知其所由然者行  
見億千萬載申命用休長膺有秩之祐永底烝  
民之生矣夫寬刑宥罪其於

聖德高深直緒餘耳然而巍巍蕩蕩無得而名絕迹殊  
尤配天罔極臣等珥筆而書用仰窺萬一云爾



萬壽盛典初集卷三十九

# 欽定四庫全書

史部

萬壽盛典初集卷四十一

詳校官宗人府府丞<sub>臣</sub>寶光鼎

編修<sub>臣</sub>程嘉謨覆勘

總校官進士<sub>臣</sub>楊懋珩

校對官編修<sub>臣</sub>沈清藻

謄錄監生<sub>臣</sub>薛登瀛

欽定四庫全書

萬壽盛典初集卷四十

慶祝一圖畫一

康熙五十二年三月十八日

皇上六旬正誕天下臣民赴京慶祝者以億萬計時

上方幸霸州水圍臣民擬自

暢春園至

神武門輦道所經數十里內結綵張燈雜陳百戲迎

駕登殿受朝賀既

上自霸州回鑾經營業有成規止之不可始

允臣民之請於十七日由

暢春園奉

皇太后還宮

上御涼步輦設鹵簿大駕

皇子皇孫二十五人扶輦不施警蹕令臣民咸得仰

瞻

天顏頒賜克食數千席於道左耆老夾道歡呼

萬歲越日直省臣民咸以幸生盛世恭逢

天子萬年慶祝之隆古所未有願得繪圖垂之奕禩兵

部右侍郎臣宋駿業具摺代請

上可之即付臣駿業經始至五月初三日續

命戶部左侍郎臣王原祁總理繪事為圖二卷五十四

年十月二十六日復

命詹事臣王奕清藏其事焉

四月初一日兵部右侍郎加一級臣宋駿業謹  
奏為普天同慶萬姓騰歡恭請繪圖以昭

盛典事竊臣世受

國恩欣逢

聖代伏覩我

皇上六十大慶之辰四海詠歌萬方趨赴雲屯巷祝雷  
動嵩呼皆本孺赤之誠以報生成之德此開闢  
之所未聞唐虞之所莫紀者也恭惟我



皇上備天地清寧之氣膺

祖宗亶厚之基無逸作所宵旰憂勤者數十年如一日視  
民如傷扶持保抱者遍天下如一人幅員及於  
無外悅服逮於要荒仁育義正浹於肌膚過化  
存神捷於桴鼓此熙皞之民所由輸誠愛戴而  
不能自己也時維三月節屆暄妍萬物皆春和  
風微扇外由馳道內至宮城於二十里之中聚  
千百國之衆袂踵駢闐歌謠雜沓帷幙夾路笙

璆沸天於時

驚旂徐動禁蹕無聲

玉輦遙臨

天顏有喜更施曠典

特賜大酺番番父老共含哺於勾陳穰穰黎民咸近光  
於咫尺聲騰列肆慶溢九達雖華祝之微忱實

天心之感動臣粗知繪事久被

鴻恩向承

命畫南巡圖幸

賜觀覽今忻際昌期臣民同心欲踵斯盛謹將都城內

外經棚黃幕萬姓擎花獻果之誠遮

輦迎

驚之盛共五十餘處景寫全圖敬呈

御覽伏祈

皇上俯允臣請許臣私寓次第加工造成墨本以付劑

刷昭示遐邇共識昇平從茲十年一舉例寫

萬壽長圖將見玉軸初開千百國之葵衷若揭球圖竝  
永億萬年之福祚無疆矣其圖稿卽帶冷枚等

畫成進

覽先此具摺不勝踴躍懼忤待

命之至謹

奏

閏五月初三日戶部左侍郎臣王原祁謹

奏五月初三日

養心殿監造趙昌等傳

旨發下兵部右侍郎臣宋駿業所畫

萬壽圖稿

命臣繪畫欽惟

萬壽聖節中外臣民詣

闕恭祝者不可勝計而巷舞塗歌遠邁衢謠華祝皆

我

皇上功德同天

恩膏匝地輿情歡悅踴躍爭先荷蒙

軫懷黎老

頒賜大酺

天駕徐行

持許億萬臣民瞻仰

殊恩曠典真開闢以來所未有允宜繪圖紀盛昭示無

窮臣欽遵

諭旨隨即率同臣冷枚并更選工畫人物界畫者就私

寫繪畫臣粗習山水未諳界畫人物然畫理實是相同臣宋駿業所鈎之稿止有一半其半尚未鈎出臣細閱已鈎稿中其長短疎密尚有未盡善處就臣愚識斟酌指示另為鈎稿其未鈎者亦為續鈎稿本初定未免粗率不敢

進呈

御覽現在再鈎細稿約至九月後可成俟稿成時恭呈御覽

奏請

聖訓裁定理合先行

奏

聞奉

旨王原祁所奏甚是

十二月二十六日戶部左侍郎臣王原祁謹

奏臣於康熙五十二年五月奉

旨繪畫



萬壽長圖臣細閱前所鈎圖稿止有城外一半自西直門至景山一路尚未鈎出粗定稿本不無疎密參差之處應加改補具摺啟奏奉

旨王原祁所奏甚是欽此臣隨率同冷枚等在臣私寓就宋駿業所鈎未完之稿細加斟酌竝城中各處鈎畫完全恭呈

御覽欽惟我

皇上聖德神功遠超堯舜深仁愷澤覃被寰區三月十

八日恭逢

聖壽昌期快覩輿情慶祝歡聲雷動都會雲屯京城內

外凡祝

聖龍棚恭諷

萬壽經棚街衢巷陌真如櫛比不可枚舉自馳道以至

宮城為

輦路經由之處

龍棚經棚共計五十餘所詠歌擊壤夾道紛陳燈幄

綵幢連宵匝布十七日

聖駕進宮

皇太后鳳輦前行我

皇上鑾輿徐駕

天潢列從

警蹕停傳

特許臣民仰瞻

天表

軫懷黎老遍

賜大酺斯皆曩古未聞惟我

聖朝獨盛者也維時

鹵薄之威儀

尚方之頒賚以及億萬人民之衆歡欣拜舞之誠計

算難窮形容莫罄臣粗諳筆墨豈易描摹今所

繪圖稿僅髣髴其萬一以紀盛事伏祈

皇上俯賜全覽其中有應行增改之處恭請

聖裁訓誨至圖中各處匾額對聯各體字樣擬派曹曰  
瑛照式恭寫為此合行奏明謹

奏奉

旨萬壽圖畫得甚好無有更改處

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史臣襲臣等稽奇尼哈番臣趙弘燦

刑部雲南清吏司郎中臣趙之垣謹校刊

萬壽盛典初集卷四十





















































































































































































